



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De Vita Et Institvto S. Ignatii Societatis Iesv Fvndatoris.
Libri Qvinqve**

Bartoli, Daniello

Lvgdvni, 1665

LVII. Adolescens à dæmone cui se tradiderat liberatur.

urn:nbn:de:hbz:466:1-10840

mirè pius, audita medicorum sententia, ad superioris medici tribunal proticbat, eius præsidium implorat, post quæ in somnum lapsus, tamdiu placide quiescit, dum ingenti splendore excitatur, & Anna Blanca! inquit, (erat hæc eius vxor) vidēsne hanc lucem, & in ea S. Ignatium qui mihi salutem attulit? Ac visum quidem mulier non vidit, sed eius illico fructu gauisa est; surgens enim maritus, seque nullo iuuante vestibus induens in Societatis templum festinavit gratiarum officio pro vita, & valetudine funeturus.

Michaëlem Ludouicum nobilem germanum miserat parens in Lotaringiam, ut Gallicam linguam in aula Ducis condisceret. At enim iuuenis præter linguam, mores didicit parum sanos, inter quos ludendi vacors, & impotens libido pænè illi exitio fuit. Amis̄s̄ enim foliorum ludo qualcumque habebat pecuniis, solūisque secum iacturam suam dolens, versabat animo si dæmon pro fictis, ut vulgo facere dicebatur, veros sibi ac notæ optimæ nummos daret, nullam se ab eo conditionem reieclturum. Hæc mente conceperat tantum, cum ei extemplo se sistit æquæuus iuuenis, præstanti grataque specie, & cultu nobili; cuius tamen eti elegantis, multumque urbani aspectu inhorruit, suspicatus haud falso hunc esse dæmonem; at is ei arridens, & humerum palpans, homo nihil, ait, quid tute hic metuis? tibine adeò insulsus videor, & ore deformis, ut fastidio sim. Age modo, vide as tantum argentum an velis? Familiari hoc affatu factus audacior infelix, argentum? inquit, verum cuiusmodi? adulterium, vībratile, meo nobilis sumptui indecorum? per bonum dico, subinfert dæmon, sincerum, ac probatum. At scin qua copia? quanta tibi libitum fuerit. En, & manum pecunia onerans, vide, examina, vtere ac si qualem tibi ego illam præsto probaueris, redi ut de cœtero condicamus. Hac instructus pecunia, sodales reuifit ludo adhuc immerſos, ludum instaurat, iacturam resarcit quam fecerat, nummis omnes exhauit, redditque alacer quo illum hostis opperiebatur, qui obuiam misero procedens sumne, inquit, iam verax, an non? nummi ecquid veri ac boni? imò optimi ait adolescens. Alterum tantum vtinam habeam: alterum tantum? dic sodes, velim, in promptu fuerit; subdit dæmon. Sed tu mihi vicissim quid dabis? Excusanti egestatem in præsens Michaëli; deest tibi, vrget cacodæmon aliquid sanguinis? non potes mihi quatuor stillas dare? prehensaque eius læua nullo sensu doloris, visus est musculum brachio extimere, & inde guttas sanguinis aliquor putamine glandis excipere, porrectaque carta, & calamo, scribe, ait, dictatque characteres omnino decem, quorum in huius miraculi tabulis formam vidi, suntque maximam partem græci, sed nullum quod quidem significet vocabulum componunt. Multo vero plures iussit altera in carta scribere prioribus similes. Post hoc, tua esto, inquit, hæc cartula, camque inferuit vulneri ex quo seu duxerat, seu visus erat musculum ducere, idque momento ita copulauit, ut vna eius appareret cicatrix. Pergensque porro. Vi huius cartulæ, quæcumque ait

HHh 3 optaueris,

L VII.

*Adolescens à
dæmonе cui
se tradiderat
liberatur.*

optaueris, à me feres, quodcumque iussorū impetratum, & factum putabili, idque per solidos septem annos, quibus expletis meus futurus es, id enim hac altera in carta quam penes me seruo, tuo chirapho promittis. placetne tibi conditio: ad hæc altum suspirans inconsultissimus iauenis, assensit nihilominus, móxque dæmon eius se oculis abstulit. Postridie tamen, bene matutinus, ad eum reuertit, suasitque quarundam preclarum quas consueuerat recitare, deinceps morem omitteret, pios quoque ex eo libellos quibus usus fuerat emunxit, vt possimus, aiens, frequentius inuicem, maiori consensu, & alacrius agere. Exin vaferimus adolescenti diu noctu adesse, familiari qualibet specie, quacumque in re voluisse, docere illum maximè curiosa, sed nunquam non pessima, nouos illi quotidie flagitorum modos, ac figuræ describere. Iamque conditæ septennis bona pars fluxerat, attigeratque ætatis vigesimum, cum domum à patre reuocatur, expectante ab aula filium liberaliter institutum, nec generi suo indecorem. At heu! nihil eo turpius, nihil profligatius, pauci menses temporis deerant quo se dæmoni manciparat, & quæ eius impulsu, quæ detestabilis conscientia furiis se ipse desperans, cœpit absona quæuis, & alienissima tentare, sed semper sceleratissimam parentem vtrumque venæno petiit; igne castrum paternum; et si neutrum Deus licere dæmoni voluit, à quo ille magicum puluerem ad hoc acceperat; vt nec miserum suit manus sibi ventas inferre, bis enim laxata in peccus catapulta, ignis vltra fomitem non iuit. Quæ postrema hominis rabies, calamitatis execrandæ quam mente premebat, inditium fecit: sororibus si quidem furioso adstantibus, ne idem tertio in se nefas tentaret; alteraque earum rogante cum lacrymis, vnde illi tam demens, & abominandum consilium: quive illius aut mæror, aut timor tantus, cui non posset nisi morte occurri: breui fore respóndit quod tunc confectum voluerat; non esse penes se, vt secus faceret, aut secus viueret. Quibus mater summatim acceptis, rescripe ex eo particulatim singula voluit, nec sine deliquio animi audiuit. Sed cum esset Suiefeldianæ hæreseos, induisseque in eam filium, eius magis lamentabatur vicem, quam vera remedia requirebat, donec die quodam vidi coram, illum à dæmone corripi, retortoque in tergum corpore, in glomum reuolui, vt medium rumperet, accurrēisque tunc Deo commendauit, tandem vero coacta religiosis hominibus curandum tradidit, quorum ille fastidio nauis simulans, breui Eistadium aufugit, sceleratus quam ante victurus. Verum à germano Hæribolensi canonico retractus, tutoque vinculis adstrictus, Molsheimium ducitur, committiturque Societatis patribus, omni ope iuuandus, quam tunc illic S. Ignatius se liberaliter impetriri multis prodigiis testabatur. Quare hinc cruenta bestia prospectans, dolensque prædam sibi è fauibus abstrahi, dici non potest, quot minis, quot ludis, quanto terrore, & artibus, eam asserere contendit: incursabat iuuenem iconi nigro nunc similis, nunc aliis fetis, tanquam in frusta discepturus; quibus

quibus perterrefactus, & vociferans miser in patrum brachia procurrebat; ac licet præter illum nemo spectra hæc cerneret, quandoque tamen rugitus, ac fremitus dæmonis etiam alios percellebat. Curationi fecit initium totius vitæ confessio seria, cui apparandæ præmissæ sunt aliquot ex primis Exercitiorum meditationes: sed malignus hostis à patribus, & iis quæcumque suggerent, tam auersum adolescenti animum iniecit, vt eorum conspectum pro supplicio odisset; ac si mentem interdum applicaret meditationi, occinebat in aurem continuo dæmon ne se iis cogitationibus maceraret. Forma demum sylvestris hominis pilosa reuersus, perpulit aliud syngraphum fingere priori conuento geminum, & in obuum locum proiicere, vt eo facile inuenio, restitutum à dæmonе, verum syngraphum putaretur, & pacta pro irritis dissoluta, libérque in posterum amitteretur à patribus. Subodoratus dolum famulus qui perpetuo lateri hærebat, Rectorem monuit, & acri obiurgatione, adolescentem Rector ita confirmauit, vt confessionem denique integrè pararet, ac rite obiret, at quanto suo cuim sudore & ad usque subinde interclusi animi defectum, ob simulacra formidabilia, & insultus feros, quibus illum exagitabat dæmon: sed iteratis crebro exorcismis, aqua lustrali, & feruidis ad Deum precibus, confessioni finem qui optabatur imposuit, ex quo mirificè reflectus, magnos sibi animos addi sensit ad impugnationes dæmonis frangendas. Inde in sacello S. Ignatij, imploratōque illius auxilio execrationes sacræ instituuntur in dæmonem, vt adigeretur insertum manui detrahere syngraphum, & alterum quod sibi retinuerat reddere. Ad hoc dies dictus Octobris duodecimus, ad quem se iuuenis cum spontaneis poenis, cilio, flagellatione, inedia armasset; Rector de S. Ignatio sacram fecit; iuuenis testibus extenorū, & Patrum plurimis, Catholicam fidem sanctè professus est; eiurauitque pacatum omne cum dæmonе initum, ac utrumque sua scriptum manu Rectori tradidit, à quo altari impositum, Deoque oblatum. Post hæc sacra hostia confirmatus, horrendum in modum expauit, & consternatus, ac tremens, proclamauit, duos sibi terribiles hinc inde ad latera dæmones adstare. Corroborationis aduersus hunc metum, peractaque re sacra liberatus est à portento illo spectro abactis ab eo dæmonibus repetitione exorcismi, & S. Ignatij inuocatione, qui lectus potissimum fuerat ad vindicandam suo præsidio miseri iuuenis libertatem. Spectri porto quo exterritus est figura hæc erat: stabant utrimque ad latus altaris duo specie caprorum ingentium dæmones, in posteriores arrecti pedes, anterioribus quisque inter vngulas, vnum tenebat ex singraphis, qua sacra imprecatione representare cogebantur: iis ergo in fugam compulsis, cum eæ cartulas quærerentur, ecce tibi ad pedes exorcistæ breuior illa compaurit, quam iuuenis manui inditam diximus, cuius agnitu lacrymans, & eo lætior quo lauam intuens, vnde sine sensu reuulsa fuerat, animaduertit illam quæ ab initio hæserat productorem cicatricem sic euauisse, vix ut eius exile vestigium cerneretur. Supererat alia necessariò dæmoni extor-

quenda,

quenda, instaurantur quæcumque ad recipiendam priorem adhibita fuerant poenæ, professio fidei, ciuratio dæmonis, exorcismi, S. Ignatij merita, & votuum de illo sacrum, ac diuini epuli sumptio, sub quæ grandis ciconiæ deformi corpore adest dæmon, minore tunc iuuenis iam diuinitus confirmati, quam exorcista spectantis metu. Syngraphum alterum rostro bestia sustinebat, quod precibus ad S. Ignatium ardenter, & crebro iteratis, velut sibi excidere passa est, statimque conspici desit. Curiosus humidi frusta quæstum in altari tandem comparuit, eo ipso loco ubi ciurantis dæmonem iuuenis, chirographum fuerat à Sacerdote repositum. Hinc Deo, Ecclesiæ, ac sibi redditus adolescens, sua post Deum libertatis S. Ignatio debitor, Christianè deinceps vitam instituit.

LVIII.

*Certo exitio
à S. Ignatio
apparente
eruptus.*

LIX.

*In partu pe-
riculoso pra-
sidium.*

Noctu cœlo pluvio, & obscuro Ioannes Luzzanus Olbesiensis plaustro vehebatur, cum aliquot itineris sociis, veneratque ad locum, Turricula nomine, præcipitem, & angustum. Quare deflectens in prærupta plaustrum, ruinam traxit in subiectum solum altitudine hominum trium. Ioannes cadens exclamavit; ades S. Ignati! Quod autem solutum allis uerbenenti plaustrum Ioanne operiret, obtritum comites putarunt, accurrentque ad illum inde extrahendum, sed præter improuisum metum, nihil ei acciderat; nam quem in auxilium vocarat, adstiterat iuuantis habitu, atque ipsas quoque in heri gratiam seruarat mulas.

Fuit Victoria Delphina Laurentij Altierij nobilissimi Romani coniux: ad hanc partui vicinam anno huius sæculi tertio vocatus est è nostris Sacerdos, confessionem auditurus, & adfuturus morienti, nam defectiones animi crebræ, suspiciosi anhelitus, & profluvia sanguinis immodica, mortem instare nunciabant. Perfundetis officio confessarius, imaginem illi S. Ignatij protrulit adhortans plurimum, ad salutem ab eo certa cum fiducia sperandam: illa imagine recuerenter accepta Sancto Ignatio vicem suam ex totis præcordiis commendat. Sacerdos maritum afflictissimum consolatur, qui eo auctore voulit de sepulchro S. Ignatij ter pie adeundo, Eucharistia sumenda, religioso donario affigendo; quod votum ægrotæ ratum etiam habuit; Pergébant interea defectiones cordis, virium, sanguinis etiam ad triginta libras, credebatürque obitus imminentem, at confidentior affirmabat confessarius, rem propterea in extrema deduci, vt esset miraculi euidentia clarior. Nec vero illum fecellit opinio; dum enim nostri ex veteribus erga nos domus illustrissimæ meritis, ægrotantis periculo solliciti S. Ignatio supplicant, sensim illam inuadit partus dolor, cessant animæ deliquia, vires instaurantur, intra horæ dimidium, partum edit solito grandiorem, & mortuum, sed viuorum more præmisso capite effusum; & contra quam virium, & sanguinis ferebat iactura, hoc uno se ex partu ægrotæ robustior & expeditior, quam ex ullo antea recepit: quod miraculo factum qui iacentem curarant testati sunt medici Marsilius Cagnatus, & Angelus Victorius. Ipsa virtutis tota Roma perspectæ, multas deinceps vitæ horas, quam S. Ignatio acceptam ferebat, ad eius sepulchrum quotidie orando expendit.

Mariam